

White



DS
793
S32
H7934
1782
v.1

册	/
卷	/

乾隆四十七年重校

襄垣縣志

續志附後

板存雜貨行

寒風集

卷之四
本集卷四

重修襄垣縣志序

周禮職方氏掌天下之圖與其地以周知天下而小史掌邦國之志以佐太史此郡邑志之權輿也司牧者臨蒞厥土斬以宣

上德而達下情必羅其圖籍以求地形戶賦學校風俗一切諸政要而為之因勢利導迺不鑿於所施則志之所闕非淺鮮矣襄垣之為縣居沁潞之間面太行而帶漳水據河朔之咽喉為上黨之

肩脊固三晉劇邑也我

朝重熙累洽道一風同晉省澤潞之間俗尤醇美予
以辛丑歲校士至潞過虎亭之驛訪銅鞮之宮
入其境則芳樹垂街桑桑被隴其俗樸而愿重
耕織而少懋遷鮮武健鬪訟之習信乎仁里之
可居而涵煦于

深仁厚澤者久也同年友蜀都李君宰是邦政事具
舉以邑志之久未葺也請諸上游而任之志成

郵寄示予見其搜羅采輯彈見洽聞凡人物事
蹟靡不犁然具備後之守此土者按籍披圖酌
斟調劑宜民善俗之道咸有所折衷然則是志
成而上以副

國家分土之志下以酬黎民仰澤觀化之殷育於是
乎在洵有得於周官之遺制豈徒若山經水誌
僅誇美富而已哉因其請書此以弁諸簡端皆
乾隆歲次壬寅六月上泮

欽命文淵閣校理翰林院編修提督山西全省學政加

五級武進劉種之拜譔



重修襄垣縣志序

郡州縣皆有志所以紀風俗考
政治別泝慝非徒侈山川之美
麗物產之華溢已也近世士夫
夫一行作吏惟是苛察以搜絀
催科以報窟訥然自以為盡

職矣而於徵文考獻之盛舉輒
目為迂濶而置之嗚呼吏道雜
而多端天下又安得有循吏乎
襄垣令李君以進士宰斯邑能
以修舉廢墜為念壬寅夏携其
所輯邑志謁余而乞一言為序

余覽其書約而賅典而不支守
謹嚴肅括之程而盡屏乎揚厲
鋪張之習洵于持世立教之義
有合焉者不禁慨然而嘆曰士
不通經不足致用李君斯舉真
有異乎俗吏之爲耶夫今之

志猶古之史也傳作傳疑期覈
實而已奚假粉飾為哉是以觀
風者得採而據之以垂世而行
遠叢者余守太原以郡志曰
久不修期議重輯簿書期會
暇與二三君子高擁校雠書未

成而奉

命登遷幾於中輟猶幸同志有人而
余又未離茲土得以提擲而盡
率之今且聿觀厥成矣然而淹
息三年始竣其役以視李君之
屢勉從事尅期告成者不佞媿

乎是又余之撫卷而不能太息
者也若夫襄邑之建置沿革以
運風尚事蹟之緘志具載志中
茲不備書

乾隆四十七年歲次壬寅七月

中浣之吉旦

賜進士出身山西按察使司按察使

加三級錢唐費淳拜誤昇書



月

四



此書於元世宗時
藏於內府

此書於元世宗時
藏於內府

序

李鶴亭明府視事襄垣旣先其所急者餘漸以次興舉歲三周而邑之舊志曠七十餘年不脩者復庚續之裒然成完書請序於余余惟襄垣之名舊矣縣於秦一改於新莽未幾光武興仍易亭而縣以至於今未之有改也中閒或爲郡治或爲州治唐武德

三年分置甲水縣六年割沁州之銅鞮來屬九年又省甲水入焉是則今之封域較兩漢爲尤廣我

朝

列聖相承德澤恩溥羣生澍濡以蕃以育故生齒日益衆物產日益豐此亦官斯土者之厚幸也挽之以淳樸示之以德教使盛者得常保其盛夫非賢有

可之責乎知今三晉大吏竝皆體

上德意廉公仁明一以拊循愛養爲本則
爲令長者無掣肘之患束溼之虞於
此而勉爲循良當易易也歷代如龔
黃卓魯之流垂名史冊可爲後法者
吾無暇疏舉即以襄邑言之是趙襄
子之所築也襄子知罷民力者之不
可以守也浚民膏者其民必不吾與

也以尹鐸之爲保障不爲繭絲其民
必和有急而往依之其知所取舍也
若是則其政從可知矣若夫春秋時
邑於銅鞮者是羊舌職之子而叔向
之兄羊舌赤也孔子但稱其語默得
宜其於政也雖不若叔向之卓然著
見然而孔子又嘗惜之云伯華無死
天下其有定矣使非實有善政及於

曰聖人其有輕許乎且觀當時之稱
之者即其字而繫之以邑曰銅鞮伯
華大夫之有邑者多矣不能盡若是
伯華之以銅鞮著也是即朱邑之相
鄉黃霸之潁川也然則興化致治端
不外求即以此二人者爲師法有餘
矣余嘗與禮闈分校之役得鶴亭之
文而善之久習其人知其爲惓惓無

片
華者也由此而爲循良吏殆庶幾乎
斯志也亦盡職之一端也旣嘉其成
且因以致吾期望之意鶴亭勉旃
時

乾隆四十有七年五月


賜進士及第前

上書房行走

講起居注官翰林院侍讀學士提督

南學政今山西三立書院院長通家

生盧文弨撰



五

七

重刊襄垣縣志序

自古紀事當時垂教後世者莫如史
紀志表傳規模宏大為天下萬世而
作王者事也若夫州縣之志所以紀
一方之夷險廣狹貴賤良桮因其時
而制宜之補偏救敝則有司之事也
故分之則為州縣之志合之則為邦
國之史願可緩圖乎哉襄志自前明

嘉靖李令貴和創脩歷百數十載表
令良再脩之距今又七十餘年矣
時會之遷移輒事之湮沒一邑之
內凡有關政治風教而不可磨滅者
其孰從而求之余已亥承乏茲邑三
載治具粗張乃集紳士耆老而告之
曰禮樂興於上風俗厚於下今幸蒙
天子治隆化洽亘古未有徵文考獻

於志焉是賴久缺弗脩誰聽其咎僉
曰唯唯如命於是衆樂捐輸余縮俸
以為之倡博采區畫悉心研覈分為
十六門曰輿圖曰星野曰疆域曰沿
革曰建置曰職官曰學校曰禮樂曰
風俗曰古蹟曰賦稅曰恩錫曰選舉
曰人物曰列女曰藝文釐為八卷較
其多寡而分八冊于舊志之謬者正

八

六

之缺者補之事增於前文省於舊其
庶幾無憾矣乎抑又聞之表直則影
直故職官舉然後學校興學校興然
後風俗美因時制宜補偏救敝是在
官斯土者正己率物有以鼓舞而利
道之也豈徒曰紀事垂教云爾哉是
役也開局於辛丑仲冬歲事於壬寅
季夏繕寫工直之計校讐督理之功

諸生實與有力焉例當並著於冊是
為序

乾隆四十有七年壬寅季夏中澣

賜進士出身文林郎知山西襄垣縣事前

知江蘇贛榆縣署松江府川沙同知

事長壽李廷芳題於寅畏堂



志固紀載之具史家之一體耳然果何所昉乎自成
周小史外史掌邦國四方之志而在列國則有晉之
乘楚之檇杭魯之春秋兩漢唐宋而下郡縣皆備我
朝因之然世次時代之相蒙吏治人文之考見所以
昭成憲於既往垂鑒戒於將來非志無由紀載志其
可以已哉襄垣舊有志而多所脫誤非紀載之失實
則考覈之未精甚至於後併其原書失之大爲有識
者之所慨也嘉靖初任邱趙修菴公來尹茲邑深惜
邑志之闕乃選集文學之士從事撰次予時弱冠爲

諸生亦濫竽焉無何趙擢南科去事遂輟嗣是張古
河公王立軒公皆再修之卒亦未竟而罷今乙丑夏
河內湛泉蕭公以百廢具舉惟志未修墜典孰大焉
乃不予鄙棄令葺之乃選諸生之俊異者與同事既
入館博搜故實旁撫羣籍例必求嚴義必求正如地
理則具廣袤田賦則悉額徵人物則核名實風俗則
兼美惡鄉賢則察衆好名宦則察去思他如祠祀官
師建置選舉之類亦必有關於世教者始入編冊葺
惴惴焉惟恐上負湛泉公之托中負一鄉之公論下
負平生之所學也湛泉公政尚廉平不事紛更而特

考筆斯志者誠有見於一方文獻所關實昭往勸來
爲爲政之大端非尋常興作者比也故早夜孜孜勉而
尤殫力於他所爲云

舊志序

邑人 姚九功

古者列國必有乘今之郡邑卽古之列國顧可獨無
志乎吾襄雖稱小邑襟山帶河自古形勝之地矧義
士達人亦有崛起前代者可湮沒而不志耶余昔承
乏秦中聞前邑侯湛泉蕭公嘗屬先達光祿卿南峯
郝公編纂修輯公習知鄉井山川人物古今事蹟而
又多歷年所余竊幸始有襄垣矣無何蕭公遷秩戶

曹公尋疾不起事復寢格及余歸田之明年我邑侯
大梁節齋李公履任越二稔矣政教修明百廢具舉
惟以邑志未就爲缺典乃持南峯所脫稿示余曰舉
不宜虛緒當續竟邑志歷百數十年而未就可終已
耶余應之曰修廢有期不可誣也曩已將鉅諸梓而
復有待不可謂非數也卽拜而受之按以遺典蒐以
故實參互考訂惟見綱舉目張鑿鑿有據如地理則
嚴封疆建置則究王制學校則右文教以至官師人
士選舉古蹟雜述之類各以次序而詳且覈焉事既
核真文復明信微顯絕續彰善障惡真一邑良史也

求其載所不載而遺其不可遺者不遺千下之一
二耳昔仲豫約漢書爲漢紀言約而事該辭奧而理
鬯是志也詎不同歟梓行之日我侯右文之政益於
是乎徵矣孔子作春秋而有知我罪我之言觀斯志
者察著述之顛末斯得之矣是爲序

原志後序

邑人 賈天爵

嘗考周禮大司徒掌建邦地土之圖小史掌邦國之
志夫大司徒所掌內史也國史也小史外史也郡邑
史也志則史之意也標古準今恢張國業其所關係
亦大矣我國家監周禮之遺凡郡邑莫不各有志斯

今昔之彛範備焉襄垣在上黨爲奧區其人文炳茲
照耀古今志顧缺而不修何哉先尙書紫巖劉公
一裁定焉今去未二十載而稿不存惜也嘉靖壬戌
冬邑大夫河內蕭君以名進士視治俯詢故實曠
獻之未備旣慨然注意顧承凋瘵之後急其大且先
者未遑也越二年政成將遷去廼敬托其事於光祿
卿郝公專稿而俾爵述諸末簡爵覽觀志紀詳矣而
襄始有是豈非遭際之一幸與事肇自六月之杪方
浹辰而帙遂成旁搜遠稽探蹟抉隱不遺餘力且去
取嚴明訂正無頗蓋稽沿革則興廢著定官常則

隆汙析計戶口則息耗明品方物則貢賦辦秩祀典
則德功判察祲祥則感應徵謹兵戎則威武振採人
物則勸懲行綜藝文則述作光首於地理終於識異
上下數千年間摛卷約有九條分類附義斷疑存信
詳而有體華而不穢於時以之弼違以之淑遠以之
翊政以之廣業是風教之端而國史之佐也寧不可
補今古之缺垂叔季之鏡哉夫任正始之責曩茲實
錄以興天下之志益彰明表著於無窮則蕭侯之倡
帥郝公之綜核均可尚已爵不敏姑識顛末以信今

而傳後焉若侯之德愛溉於吾人者甚多宜別有叙載茲可畧云

重修襄垣縣志舊序

康熙四十五年

翰林檢討宋如辰

余憶甲申冬杪服闋還

朝取道上黨過襄垣瞻其風土之雄攬其山川之秀襄令袁子余甲戌會闈所得士也其爲令寬仁廉潔篤意休息乎士民士民亦相與愛載之此余日聽輿人之頌而得之日擊者也三載中利盡興弊盡剔雪冤入日游鏡中抱牘吏時立永上百廢具舉又念襄志自明穆宗歷一百四十餘年天道之消長疆域之變

遷人事之盛衰政治之隆替世遠言湮孰從而問之
而修之袁子曰余責也於是購求遺書捃摭軼事大
加修葺閱夏秋而志告成爰遴役走千三百里問序
於余余喟然曰今之令宰所爲亦極難耳官秩卑而
望重惟秩卑也各長官層累而制之於上使不得有
所爲惟望重也億萬姓呼籲於下又當謀給其所求
非才智游刃有餘者奚暇徵據典冊廣搜事蹟薈萃
遺編執筆而志之一一罔遺若是哉今也志星野而
天道備矣志沿革而疆域正矣志官師人物而政治
覩矣志忠孝節烈而人事全矣余向所瞻風土之雄

山川之秀以及士吟民歌之情興利剔弊之績一展卷而悉得顧不快然於心目間哉恭遇

聖天子天縱神明加意文治伏讀

御制古文淵鑑邁古凌今袁子三載攷績例當

行取出其材智拜颺彤庭將經理一邑者經理乎天下
余忝備史官庶珥筆而志之矣詎一人之私慶也耶
遂書爲序

舊志序

康熙四十五年

邑宰

袁良

志與史相輔而行者也鴻濛初文字未立洎唐虞夏
商而有典謨誓誥史體具矣周以太史內史掌六典

八材而小史掌邦國志外史掌四方志自史也子
子當迹熄詩亡之餘問禮於老子實觀史於柱下非
作春秋之權輿乎迨秦廢封建爲郡縣而後各自爲
志故曰史與志相輔而行者也然卽志可以觀風而
非藉志以撫實蓋土地之荒墾戶口之盛衰令宰之
貪廉民風之淳駁文獻之興替使省方觀俗者胥於
志乎是問宜

聖

天子特命儒臣纂修

大清一統志而昭盛世之鉅典也余癸未授晉襄垣令
襄垣固上黨勝地也士尙氣節而務學民多儉樸而

力農陶唐氏之遺風猶有存者欲攷其邑乘以爲憑
依顧自明穆宗以後迄今一百四十餘年之間缺畧
無徵加以歷歲荒歉欲纂修而未遑今時和年豐爰
乘簿書暇日邀集邑之紳衿與張學博雲峰楊寅佐
持中劉尉謙之盟心商確不憚經營採訪因捐薄俸
以爲剗剔之費務期殘缺盡彙攜載靡遺而後卽安
焉如山流何以圯沒也署宇何以興廢也丁口何以
增減也徭役何以損益也官師何以垂法戒也賢節
何以表風化而典禮食貨何以歷古今而隆殺不一
也於舊志另定凡例繁者刪之畧者增之每條中詳

元朝明初纂數月而告成今因是有思矣一邑志也
創於明趙令修菴歷張令古河王令立軒一再修未
完輒罷河內蕭令湛泉托邑宦光祿卿郝良臣葺之
而亦未就會大梁李令節齋乃持良臣所脫稿請之
邑人參政姚九功於是襄志閱一百數十年而始就
又自隆慶至今經一百四十餘年而後告成嗟乎邑
乘修廢之故詎不以其時哉抑又聞之朱子考亭歷
任所聞甫下車卽修邑志曰吾遵孔氏家法者也孔
子作春秋朱子作綱目文減於昔事增於舊乃知志
與史相輔而行非妄也余奉教於考亭以俟後之君

子庶幾爲省方觀俗者備一芻蕘焉

原志姓氏

郝良臣 姚九功 賈天爵 王宗稷 趙津

劉承裕 郝思翰 李迎時 李學古 趙洛

崔淳 趙鏞 高天覆 楊思智 楊錦

裴檀 楊世勲 趙春芳 趙秋芳 王俊臣

崔謨

重修舊志姓氏

袁良 楊彬 趙思植 張星祥 韓復

劉濱 李遂生 王序 李安 劉

李天王

李日生

劉宏讓

凌汝洪

湯

林

李宗唐

郭倬

崔鍾瑋

李

械

鄭屏周

夏均鼎記

卷之一

九

一志書義例概與史同體章務求其簡事蹟必覈其實濫與誣均無取焉茲列爲十六門綱舉目張比事以類庶令展卷瞭然便於考覈

形勢先辨星野舊於星野志主昴畢而疆域又言參井騎牆之見安所適從今斷主背觜參井乃與大清一統志山西通志相脗合焉

一禮樂之數關乎一代之制作故前史必詳記之舊志於祀典祇載祭器而一切缺焉此而不備後嗣何觀今遵

聖朝頒定體制凡禮器樂器樂章舞器舞譜以及朝賀賓
興鄉飲酒禮之文纖悉具載俾後之襄祀事者無
闕典無墮儀豈不洋洋乎大觀也哉

一舊志食貨徒有戶口賦役而不載積貯鹽課夫積
貯生民之命也鹽課

朝廷度支所出也不詳誌之吏胥得以上下其手而官
民俱困今將常平社義各倉原額溢額細數與鹽
引徵課額數並載焉因名考實一覽而知

一取士之法歷代不同然皆由鄉舉里選遞變而出
學者童習舉業而於古來取士之異同白首不知

其故茲採集漢唐宋及金元以來取士之法附選
舉末考古證今於學者未必無小補云

一推恩錫類自古有之要未若我

朝至優極渥凡

封蔭襲蠲免養老諸曠典

殊恩疊霈異數頻加白叟黃童莫不頌

石壽萬年於無旣也爲立恩錫志一門

一舊志多承謬誤如慕容赤土剖心石勒屠肆聰家
張賓扶石宏之類不可枚舉今校列傳訂正或另
爲考辯一人一事必求其實而後止覽者詳焉

一 襄志再修以後距今七十餘年老成凋謝冊籍
存其間職官選舉人物列女頗費蒐羅慎選諸生
博詢而實驗之不濫不遺庶幾完備

一 人材視學校爲盛衰舊志云襄邑人文明時稱盛
慨學宮之不修社學之不立也自乾隆三十四年
學宮煥然新矣社義學早次第舉矣當有人文蔚
起追踪往代乎然而不載學田則司鐸恐難果腹
不載

國朝賜書則弟子無憑請業不載書院經費生息恐年
遠無稽或致侵蝕本實元發人材何由得盛今一

一具載按籍而稽永遠攸賴是所望諸生之奮然而起者

一舊志藝文不無濫觴如第一冊袁令自序而外前序後跋又七八篇詩中數人唱和不下數十首皆不過鋪張揚厲無關勸誡今特爲刪節非敢追駁前賢妄指瑕類也卽今新入亦慎加採擇鄭璞識者當有以辨之

李廷芳再識

才士集

卷一

三

重修襄垣縣志姓氏

總修

現任襄垣縣知縣四川長壽進士李廷芳

分纂

原任汾陽縣知縣江西南豐進士徐珏

四川長壽廩膳生員陳于廷

參閱

儒

學

教

諭馬超衆

儒

學

訓

導李善均

監刊

典

史陳元順

城

守

外

委孫達

四川

長

壽

監

生李宸芳

編次

趙典

歲貢

趙培翼

廩生

白啟來

廩生

陳培元

廩生

陳三樂

廩生

賈

樞

廩生

採訪

崔育椿

原任樂平縣教諭拔貢

孫繼曾

拔貢

李昭事

恩貢

王

體

歲貢

李 沼 廩生

張考功 廩生

姚 莊 增生

賈攀麟 廩生

校對

王 衷禮 廩生

邱文選 廩生

趙翼宸 廩生

姚 敬 廩生

劉體乾 附生

張葵美 附生

孫輝曾 附生

王 輔 增生

李 萱 附生

總理

趙守訓 候選通政司知事

李來琛 貢生

吳士鼎

名

李凌霄

監生

李德宏

監生

孟士廉

監生

校刊

趙澤宇

廩生

李雍朝

廩生

連允執

廩生

王之枋

廩生

趙乘時

增生

韓友魏

附生

張諸召

附生

李鍾鼎

武生

膳錄

李在馨

上黨

庫

銀庫

聚庫書刊

卷一

輿圖

山川全圖
關帝廟圖

城池圖
城隍廟圖

縣署圖

文廟圖
劉文安公祠圖

四鄉圖

八景圖

星野

星圖

疆域

山川

沿革

表圖

卷二

建置

城池
里鎮

縣署
武備

公署
舖驛

壇壝
街坊

職官

官秩
訓導

縣令
縣尉

縣丞
典史

主簿
驛丞

教諭
武職

卷三

學校

文廟

明倫堂

學署

弟子員

賜書

禮樂

祭祀

朝賀

宣讀

迎春

耕耜

風俗

節序

上官

賓興

鄉飲

土產

穀

菜

果

藥

花

草

卷四

古蹟

城壘

寺觀

井泉

碑碣

賦稅

戶口

田賦

鹽課

恩錫

封爵

恩蔭

養老

卷五

選舉議叙
仕進
進士
舉人
貢士
例職
吏職
賓介
附鄉耆

卷六

人物鄉賢
忠臣
孝子
義士
僑寓
方技
仙釋

列女烈女
節婦
賢婦
烈婦

卷七

藝文上詔
論
記

藝文中記

卷八

藝文下賦
歌
贊
銘
詩
雜
紀

考工記


卷之一

四

古韓山川圖

山川圖

西至沁州界七十五里



里五十二

麗山

河

泉水備

漳河

治縣

東至黎城縣界五十里

水口

韓山

百尺樓

五音山


鎮良下


鎮營西

臨水


里三十五


城池圖







縣署圖





文廟圖







開帝廟圖


卷之二


五







城隍廟圖





劉文安公祠圖





陽
鸞
圖

東鄉圖



黃石山

東至黎城縣鶯溝
村五十里

艾河

八里庄

王家

南窪

南學上

東嶺

東寧靜

合河口

西寧靜

土冷

西鄉圖

西至湖州界
泉村七十五里





南鄉圖



東南至濟城縣界
河拜店三十里

泉永舖

鹿台山

普頭村

煤窟嶺

五陽山

上王

東王橋

西王橋

上倉

崔家庄

張家庄

南門



北鄉圖





新刊

卷之一

三


門景圖

韓山獨秀






渾江春渡





仙堂舊隱






市橋懷古



圖考




獅山晚照





涼樓勝觀





寶峯晴雪





甘泉漱玉





墨池集元

卷之一

三

小景詩

錦山獨秀

李廷芳

馮亭猶未獻此地是錦山疊嶂真成倚

孤松不可攀風雲常護廟衣冠顏顏

向有錦五怪得秦蟻蚤無時返紅窗

漳江春渡

埤新抱江斜春沫漾淺沙扣舷人度曲

噴沫浪生花歸牧依殘照征帆落晚霞

孤塵紛擾攘
美此泛仙槎

仙堂燕隱

小隱強中隱
高人得地靈
泉石不佛髻

露刻席溪亭
徑曲紫苔蘚
山深廣茯苓

幽巖丹玉局
長與談真座

橋懷方

清溪咽不流
橋影尚千秋
鰐狀龍行急

甘心為報
山雲涼更黑
澗草媚還幽

不是忠臣殉誰知國士酬

獅山晚照

九經山上石晚照淫獅來仰鼻乘雷起
舍時雋電開態態應自伏席豹漫相猜
一夕神光現疑將疏勒回

涼樓勝觀

元將貔貅羅向空避暑樓炎蒸皆苦夏
高爽獨成秋江含魚藏島山開鹿見

至今留跡來注快遊遊

寶峰晴雪

梵剎金粧就岩窟玉琢成風寒晶氣清
日暖瑞光盈積素地留鶴迹
虎初遺趾在
近蓬瀛

甘泉漱玉

共道甘羅水由來味獨甘跳珠雲影碎

山鳥嘯酣秋雨洗沙磧夕陽瑩石金

前途甃井滌過客且傳驂

新嘉坡的歷史與地理

分野志

自庖羲仰觀俯察以七曜二十八宿麗乎十二位於
是黃帝始定星傳高陽氏命重黎序天地帝堯乃命
羲和考定中星而周禮保章氏以星土辨九州之法
所封之域皆有分星以觀妖祥此天文所由來也自
是而後晉有卜偃魯有梓慎鄭有裨竈以及張衡陳
卓錢樂周墳李淳風之輩言天官者蓋亦衆矣顧其
所論分野言人人殊今依

大清一統志潞安府天文觜觿參井分野實沈之次與
垣準此繪圖考象至各家之說亦附畧以備參焉



星野

星圖


觜宿圖

座旗

司座



參宿圖



井宿圖



一統志太原府禹貢冀州之域天文參井分野平陽府禹貢冀州之域天文觜參分野大同府禹貢冀州之域虞周屬并州天文昴畢分野潞安府禹貢冀州之域天文參井分野汾州府禹貢冀州之域天文參井分野澤州禹貢冀州之域天文觜參分野沁州古上黨郡地圖書編山西諸郡太原參井分野平陽觜參分野潞安參井分野汾州參分野大同昴畢分野澤州觜參分野遼州參井分野沁州參井分野是山西諸郡觜參四參井惟大同惟昴畢也

參宿丹元子步天歌

三星相近作參櫟背上坐旗直指天尊卑之位九相連
司怪曲立坐旗邊四鴟大近井鉞前

參宿丹元子步天歌

總有七星觜相侵兩肩雙足三爲心伐有三星足裡
玉井四星右足陰屏星兩扇井南襟軍井四星屏
吟左足下四天廁臨廁下一物天屎沈

井宿丹元子步天歌

八星橫列河中靜一星名鉞井邊安兩河各三南北正
大鐫三星井上頭鐫上橫列五諸侯侯上北河西

水宿覓積薪東畔是鉞下四星名水府水位東邊四星序四竄橫列南河裏南河下頭是軍市軍市團圓十二星中有一個野雞精孫子丈人市下列各立兩星從東說闕邱兩星南河東邱下一狼光蓬茸左邊九個弧矢弓一矢擬射頑狼胸有個老人南極中春秋出來壽無窮

左傳昭公元年子產曰昔高辛氏有二子伯曰閼伯季曰實沈居於曠林不相能也日尋干戈以相征討后帝不臧遷閼伯於商丘主辰商人是因故辰爲商星遷實沈於大夏主參唐人是因以服事夏商其季世

曰唐叔虞當武王邑姜方震太叔夢帝謂己余命
子曰虞將與之唐屬諸參而蕃育其子孫及生有
在其手曰虞遂以命之及成王滅唐而封太叔焉
參爲晉星由是觀之則實沈參神也

國語實沈之虛晉人是居

史記天官書角亢氐亢州房心豫州尾箕幽州斗江湖
牽牛婺女揚州虛危青州營室至東壁并州奎婁胃
徐州昂畢冀州觜觿參益州東井與鬼雍州柳七星
張三河翼軫荊州

漢地理志秦地於天官東井與鬼之分野也其界自

農故關以西魏地菁觶參之分野也其界自高陵以東盡河東河內周地柳七星張之分野也自柳三度至張十二度謂之鶉火之次周之分也趙地昂畢之分野趙分晉得趙國西有太原定襄雲中五原上黨上黨本韓之別都也遠韓近趙後卒降趙皆趙分也燕地尾箕分野也西有上谷代郡雁門

雁門於天文別屬燕

晉書州郡躔次陳卓龜谷先生張良諸葛亮譙周京房張衡並云營室東壁衛井州而雲中定襄雁門代郡太原入東井上黨入輿鬼焉

容齋洪氏隨筆曰晉天文志謂自危至奎爲姬訾於辰

在亥衛之分野也屬并州且衛本受封於河內商虛
後徙楚邱河內乃冀州所部漢屬司隸其他邑皆在
東郡屬兗州於并州子不相干而并州之下所列郡
名乃安定天水隴西酒泉張掖諸郡自係涼州耳又
謂自畢至東并爲實沈於辰在申魏之分野也屬益
州且魏分晉地得河內河東數十縣於益州亦不相
干而雍州爲秦其下乃列雲中定襄雁門代太原上
黨諸郡又自屬并州及幽州耳晉志出於李淳風之
手豈非蔽於天而不知地乎

冀域志 山川

分野畫疆先王所以定天下也畛域既分山川斯在此冀州所以載霍山并州所以載常山而揚紆汾潞潞沱嘔夷區別藪浸職此之由襄垣爲潞安名邑東連黎城西抵沁州南界潞城北接武鄉爲燕韓之屏蔽河朔之襟喉此固足以壯金湯之勝概而古今來名臣傑士堪垂不朽者何莫非山川之鍾靈毓秀有以誕降歟志疆域

襄垣縣在潞安府北少西九十里

東西廣一百二十五里南北袤九十里

舊志廣一百一十里袤八十五里

東至黎城縣界鶯溝村五十里至黎城縣治九十里

西至沁州界溫泉村七十五里

少北至沁州沁源縣治一百六十里

南至潞城縣界石窟村二十五里

北至沁州武鄉縣界高嶺村六十五里少西至武鄉縣治九十里至遼州榆社縣治一百五十里

東南至潞城縣界河拜店三十里至潞城縣治六十

里

西南至屯留縣界交川舖五十里至屯留縣治六十

里

東北至武鄉縣界北漳村五十三里至遼州治一百六十里

西北至沁州界新店村小王舖八十三里至沁州治一百二十里

西北由虎亭鎮達本省布政司四百五十里

東北由黎城達

京師一千三百里

山川

他堂山縣東北五十里山勢崇隆林木茂盛山麓有寺殿內泉水湧出環繞左右西有巖巖中有洞列觀音

羅漢像有人面石取月梯醉雪石舊傳有修真之士
隱居於此後仙去卽八景中仙堂舊隱

五陽山縣南十五里五峯高聳日出光照故名之

五音山縣北二十里一名神頭山地形志襄垣有五音
山神祠一統志周公至此陰霧五日故名又傳魏孝
文至此陰暗五日祭之天遂開朗上有孝文廟

龍洞山縣東北七十里洞深百里許入遼州境相傳昭
澤王修真於此因號龍洞禱雨輒應

韓王山縣北十五里高峯挺秀孤松孑立森然可仰上
有韓王廟卽八景中韓山獨秀

趙王山縣東北四十里相傳趙襄子寓此上有趙王廟
又謂石勒屯兵處

獅山縣西四十里九龍村東又名九龍山峯頭大石巖
若獅形夕陽返照有動蕩之狀卽八景中獅山晚照
百穀山縣東南二十里其山百草叢生世傳神農氏嘗
百草於此

五嶺山縣西南七十里五峯環立爲南北往來之衝明
正統間設巡檢司今裁

紫巖山一名寶峯縣西五十五里其山色紫雪霽暉映
景尤清明有麻衣洞深一里內有泉出禱雨輒應卽

八景中寶峯晴雪

黃巖山縣東

山石色黃巖下有泉禱雨多應

山麓有龍王廟

桃林山縣西十里多桃叢茂成林上有香巖寺寺後有塔高九層元季風折其半寺前有閣乾隆七年邑紳以此地本邑發脉之祖建塑文昌像白衣像每年士民欽崇烟火弗絕閣前有池池水從中湧出其年即發科

小虎山縣西北三十里回轅店東南隅山形如卧虎故名上有昭澤王廟廟內清泉可愛秋冬之交楓葉滿

山尤爲勝景

松石林山縣西北三十里庄裏村峯高松茂下湧清泉
甘潔可愛有渤海龍王廟

南峯縣南一十二里峯上有寺寺後有樓傳爲元察罕
那延太師河南王避暑處今廢址存卽八景中涼
樓勝觀

龍臺山縣南二十里上有文王廟五朝志襄垣有鹿臺
山遙望漳水南來與觀水西合曲折潏洄纏繞如帶
劉龍詩沃壤似坪山下屋人如畫水邊居

錯上洪山縣北三十三里山峯並來故名

九仙峯縣東北三十五里水磬村東世傳雲映峯巒若有九仙立其上今有碧霞廟

筆頭峯九仙峯西形似筆頭所產之菜名筆頭菜

強記峯縣東北四十里其下

琉璃巖縣東北五十里其下之西五色秀麗宛若琉璃下有石盤路如盤狀

二仙港縣北十里有二仙宮廟前池水清潔嘗四月水猶未化每三月十八日神會遠近咸集

觀音洞縣東北五十里仙堂山西北其洞深邃數丈內有觀音像芳草環繞夏月人至滿地花香

仙人洞縣北五十里按王海唐元宗別駕潞州時其地忽開十數里因名仙人洞

赤砂洞仙堂山內舊傳有人煉丹砂於此後仙去

西漳水一出沁州滑山一出沁州伏牛山二源異出合流東至洞村入襄境又南流至小河村納小河水並郝水過虎亭鎮會銅鞮水並郭水過夏店鎮南東流至付村約下峪水至李村納雍子水至城南甘村與濁漳合

濁漳水源出長子縣發鳩山東入長治界折而北過屯留潞城界入襄垣縣南十五里遶鹿臺山北與西漳

合至縣治東北隅納甘水遶城濼洞數折東入黎城
界卽八景中漳江春渡

涅水亦名小漳水縣西北六十里源出沁州覆轡山東
流至吳壁村入襄垣境過南漳村合臨水過水張村
東會史水至段堡村東南與漳水合

臨水亦名小漳水縣東北三十五里源出榆社八賦嶺
過武鄉縣南流至南漳村入襄垣境與涅水合

史水縣西北六十里三史村東流至水碾村入臨水

甘羅水縣西北三十五里甘泉湧出水聲泠泠噴珠噴

玉東流過縣城東北入漳水卽八景中甘泉

陽村有
甘羅廟

雍子水縣西南四十里郝家山東北流過雍子村至東李村之北入西漳

下峪水縣西一十五里下峪村南流過付村之東北入西漳

銅鞮水按水經注出銅鞮縣西北石磴山東流與專池水葦池水合流入西漳

專池水按水經注出八特山東北與銅鞮水合流入西漳

葦池水女諫水之北卽葦池

女諫水銅鞮水之東南卽女諫

榆交水在葦池水之南

以上五水俱出通志

小河水縣西北七十里祝家嶺西南流過小河村南入

西漳

郝水縣西北七十七里郝家壩西南流過虢亭鎮北至
壑上村之南入西漳

郭水一名趙村河源出沁州西南東流過屯留縣三教
村至高巖底入襄垣境東北流至虢亭鎮南趙村之
北入西漳

明渠水縣東南十里渠東村之西北其水清潔可愛過

東王橋村西流入漳水

以上四水舊志失載

通志云襄垣內平坦外高峻後漢書亦云邑帶山林茂

松生焉洵不誣也况五陽聳於離方五音峙於坎位

龍洞雄於震地紫巖麗於兌域濁漳呈浩淼之觀甘

水鼓清漣之浪人文秀傑之氣知所自來而山河如

故光景常新余固願襄邑之風土趨而日上也

本舊志

按襄垣之脉發源於沁州伏牛山轉折百有餘里至本

邑高廟嶺抵桃林山由西門外庚方落坪邑之城池

在焉其地背負韓山面峙鹿臺漳水抱左有潞月之

形甘水遶右如金鉤之狀昔稱金鉤釣月居然一偉

觀也萬歷間有駕水勢侵城之說因鑿東北岡令漳水直流而人文漸衰適劉公武公相繼引渠築堤於是邑人王基洪有重挽漳流之記未幾堤壞水復直去崇正間知縣王懷欲修未果

國初知縣鄭僑與士民議復亦艱於修築而止今乾隆三十年後北門外漳水遶西漸復古道而邑里頗繁庶人文復興此氣運轉移之一會也

王者量地置邑度地居民地本一定而其名不常不
因時變更襄垣唐冀州域虞入并州自唐及明四千
二百八十餘年其中爲州爲郡更改不一要皆因時
制宜之道也我

朝仍縣舊名屬潞安府久已土地修飭人民奠安將金
湯鞏固歷久彌新而襄垣之名永垂不易矣志沿革
稽古襄垣本唐冀州之域虞并州之界夏仍唐冀州
商屬黎國周封叔虞於唐至春秋改唐爲晉地戰國
初襄垣屬韓故號古韓其地距韓遠而隣趙近故其

後屬趙趙襄子席先世之業慎固疆域築城甘水之
北得名襄垣秦滅六國廢封建爲郡縣始置襄垣縣
屬上黨郡兩漢魏晉皆因之後魏兼置襄垣郡迨北
齊郡廢後周置韓州隋大業初州罷以縣屬上黨郡
唐武德初復置韓州以漳水侵城築新城於甘水之
南貞觀中州罷以縣屬潞州宋屬隆德府金改隆德
府爲潞州復隸之元仍爲隆德府屬晉寧路繼復爲
潞州明洪武初因之嘉靖間改潞州爲潞安府襄垣
其屬邑也

朝仍潞安府襄垣縣

表圖

唐
冀州域襄垣
在王畿內

虞
并州界襄垣
在王畿內

夏后
仍唐冀州襄垣
在王畿內

商
黎國屬

周
封唐改晉
仍黎國

春秋
赤狄奪為潞
子國晉滅之
為晉地

戰國
三家分晉此地
屬韓號古韓後
卒降趙襄子築
城甘水之北

秦
滅六國始置襄垣縣
屬上黨郡

漢
屬上黨郡境
內有安民城

東漢
屬上黨郡
莽改上黨亭
光武復舊

魏
屬上黨郡

晉
屬上黨郡

後漢

屬鄉郡

北魏

建義元年
置襄垣郡

北齊

廢郡為州

後周

置韓州

隋

大業初罷州為
縣屬上黨郡

唐

武德初復置韓州銅鞮
黎涉皆為屬縣改上黨
郡為潞州貞觀中州罷
以縣屬潞州建中初改
潞州為昭義軍

宋

初改昭德軍崇
寧中為隆德府
襄垣屬焉

金

隆德為潞州

元

潞州襄垣縣

明

洪武初潞州襄
垣縣嘉靖改潞
州為潞安府

國朝

仍舊制

